

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINA BANOVIĆI  
OPĆINSKI NAČELNIK



БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
ТУЗЛАНСКИ КАНТОН  
ОПЋИНА БАНОВИЋИ  
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel: 00387 35 74 34 00, Fax: 00387 35 74 34 33, e-mail: [opcina.banovici@bih.net.ba](mailto:opcina.banovici@bih.net.ba), Web: [www.opcina-banovici.com.ba](http://www.opcina-banovici.com.ba)

Broj: 01-05-344/17-4

Datum: 24.02.2017. godine

Na osnovu člana 64. stav 1. tačka b. a u vezi sa članovima 70., članom 87. stav. 3. i članom 90. Zakona o javnim nabavkama (Službeni glasnik BiH broj: 39/14) člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj: 35/05 ) člana 15. Zakona o principima lokalne samouprave u Federaciji Bosne i Hercegovine („ Službene novine FBiH“ broj: 49/06) člana 42. Statuta Općine Banovići ( Službeni glasnik općine Banovići broj: 3/08), člana 5. stav 2. tačka b. Pravilnika o postupku direktnog sporazuma br:01-05-347/15 od 26.03.2015. godine i Preporuke Komisije za javnu nabavku br: 01-05-344/17-3 od 24.02.2017. godine u postupku javne nabavke „Izrada Glavnog projekta izgradnje aneksa zgrade Dom zdravlja Banovići“ Općinski načelnik d o n o s i:

## ODLUKU O IZBORU NAJPOVOLJNIJEG PONUĐAČA

### Član 1.

Prihvata se Preporuka Komisije za javnu nabavke broj: 01-05-344/17-3 od 24.02.2017. godine i Ugovor za javnu nabavku usluge „ **Izrada Glavnog projekta izgradnja aneksa zgrade Dom zdravlja Banovići**“, dodjeljuje se ponuđaču „ Tanović“ d.o.o. Banovići, sa sjedištem u ulici Božička Banovića br.8., 75.290 Banovići, ponuda broj: 04-2017-P od 22.02.2017. godine, za ponuđenu cijenu od 5.950,00 KM bez obračunatog PDV-a kao najbolje ocijenjenom ponuđaču.

### Član 2.

Prijedlog Ugovora o nabavci usluge dostavit će se na potpis izabranom ponuđaču „ Tanović“ d.o.o. Banovići, sa sjedištem u ulici Božička Banovića br.8., 75.290 Banovići u roku do 10 dana od dana kada su svi ponuđači obaviješteni o ishodu postupka.

### Član 3.

Ova Odluka stupa na snagu danom donošenja i objavit će se na internet stranici [www.opcina-banovici.com.ba](http://www.opcina-banovici.com.ba) istovremeno s upućivanjem svim ponuđačima koji su učestvovali u postupku javne nabavke, u skladu sa članom 71. stav 6. Zakona o javnim nabavkama ( „Službeni glasnik Bosne i Hercegovine“, broj: 39/14).

## Obrazloženje

Odlukom o pokretanju postupka javne nabavke usluge broj: 01-05-344/17 od 21.02.2017. godine donesenom od strane ovog organa pokrenut je postupak javne nabavke „Izrada Glavnog projekta izgradnje aneksa zgrade Dom zdravlja Banovići“. Predmetna javna nabavka predviđena je Planom javnih nabavki općine Banovići za 2017. godinu, broj 01-05-18/17 od 10.01.2017. godine i Izmjenom i dopunom Plana javne nabavke za 2017. godinu, broj: 01-05-301/17 od 14.02.2017.godine, evidencijski broj 6d/17.

Javna nabavka usluga sprovedena je direktnim sporazumom.

Procijenjena vrijednost javne nabavke bez PDV-a je 5.990,00 KM.

Zahtjev za dostavu ponuda je proslijeđen sljedećim ponuđačima:

1. „Tanović“ d.o.o. Banovići, sa sjedištem u ulici Božička Banovića br.8, 75290 Banovići,
2. „GPP BANOVIĆI“ d.o.o. Banovići, sa sjedištem u ulici Armije BIH br.36, 75290 Banovići.

Komisija za javne nabavke imenovana rješenjem broj: 01-05-91/16 od 18.01.2016. godine, ovom organu dostavila je dana 24.02.2016. godine, Zapisnik o ocjeni ponuda broj: 01-05-344/17-2 od 24.02.2017.godine i Preporuku o izboru najpovoljnijeg ponuđača broj: 01-05-344/17-3 od 24.02.2017. godine u postupku javne nabavke. U postupku je utvrđeno da je Komisija za javnu nabavku blagovremeno i pravilno u predmetu „Izrada Glavnog projekta izgradnja aneksa zgrade Dom zdravlja Banovići“, izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je ukupan broj pristiglih ponuda 2 (dvije),

- da je blagovremeno zaprimljene 2 (dvije) ponuda,

- da je 1 (jedna) ponuda ocijenjena kao prihvatljiva i to ponuda slijedećeg ponuđača:

1. „Tanović“ d.o.o. Banovići, sa sjedištem u ulici Božička Banovića br.8, Banovići.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz poziva za dostavu ponuda, tehničke specifikacije te u skladu sa principima i procedurom utvrđenima Zakonom o javnim nabavkama i Pravilnikom o postupku direktnog sporazuma.

Ugovorni organ je u postupku direktnog sporazuma odlučio istražiti tržište te zatražio pismeni prijedlog ponude od dva privredna subjekta.

Iz zapisnika o ocjeni ponuda proizilazi da je Komisija obzirom da u pismenom pozivu za dostavljanje ponuda nije predviđena obaveza pregovaranja kod izbora ponude na osnovu koje će biti dodijeljen ugovor, Komisija je u obzir uzela faktor cijene, odnosno kao kriterij za odabir Ponuđača, primjenila je kriterij najniže cijene.

Pri primjeni ovog kriterija posebno je razmatrala realnost i tržišnu osnovanost ponuđene cijene, te je konstatovala da ponuđena cijena izabranog Ponuđača predstavlja realnu tržišnu cijenu i da će se ovim izborom ostvariti najbolja razmjena vrijednosti za novac.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama podzakonskim aktima, internim aktima i Tenderskim dokumentom.

Uvidom u priloženu dokumentaciju, nesporno je da je izabrani ponuđač najbolje ocijenjen primjenjujući kriterijum najniže cijene, koja je ponuđena u ukupnom iznosu od 5.950,00 KM bez PDV-a, dok je ponuđač „GPP BANOVIĆI“ d.o.o. Banovići, ponudio veću cijenu od procijenjene, čime je utvrđen i njihov sukcesivni red.

Iz navedenih razloga, primjenom člana 64. stav 1. tačka b., a u vezi sa članom 87 stav 3. i 90. Zakona o javnim nabavkama i člana 5. stav 2. tačka b. Pravilnika o postupku direktnog sporazuma ( Službeni glasnik BiH broj, 90/14), odlučeno je kao u dispozitivu ove Odluke.

#### **POUKA O PRAVNOM LIJEKU:**

Protiv ove Odluke dopušten je prigovor u roku 5 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića br. 1.75290 Banovići.

#### **DOSTAVITI:**

1x Svim ponuđačima  
koji su učestvovali u postupku JN  
1x U spis  
1x a/a



**OPĆINSKI NAČELNIK**

**Midhat Husić**